

《佛說分別善惡所起經》 摘錄

佛言人於世間喜飲酒醉。得三十六失。何等三十六失。

一者人飲酒醉。使子不敬父母。臣不敬君。君臣父子。無有上下。

二者語言多亂誤。

三者醉便兩舌多口。

四者人有伏匿隱私之事。醉便道之。

五者醉便罵天溺社。不避忌諱。

六者便臥道中。不能復歸。或亡所持什物。

七者醉便不能自正。

八者醉便低仰橫行。或墮溝坑。

九者醉便蹙頰。復起破傷面目。

十者所賣買謬誤妄觸舐。

十一者醉便失事。不憂治生。

十二者所有財物耗滅。

十三者醉便不念妻子飢寒。

十四者醉便嚙罵不避王法。

十五者醉便解衣脫禪袴。裸形而走。

十六者。醉便妄入人家中。牽人婦女。語言干亂。其過無狀。

十七者人過其傍。欲與共鬪。

十八者踢地喚呼。驚動四隣。

十九者醉便妄殺蟲豸。

二十者醉便搗捶舍中付物破碎之。

二十一者醉便家室視之如醉囚。語言衝口而出。

二十二者朋黨惡人。

二十三者踈遠賢善。

二十四者醉臥覺時。身體如疾病。

二十五者醉便吐逆。如惡露出。妻子自憎其所狀。

二十六者醉便意欲前蕩。象狼無所避。

二十七者醉便不敬明經賢者。不敬道士。不敬沙門。

二十八者醉便姪姪。無所畏避。

二十九者醉便如狂人。人見之皆走。

三十者醉便如死人。無所復識知。

三十一者醉或得瘡面。或得酒病。正萎黃熟。

三十二者天龍鬼神。皆以酒爲惡。

三十三者親厚知識日遠之。

三十四者醉便躑踞視長吏。或得鞭撻合兩目。

三十五者萬分之後。當入太山地獄。常銷銅入口焦腹中過下去。如是求生難得。求死難得千萬歲。

三十六者從地獄中來出。生爲人常愚癡。無所識知。今見有愚癡、無所識知人。皆從故世宿命喜嗜酒所致。如是分明。亦可慎酒！酒有三十六失。人飲酒皆犯三十六失。